

**ČASNI POSLANIK
MUHAMMED S.A.V.S.
U BIBLIJI**

**ČASNI POSLANIK
MUHAMMED S.A.V.S.
U BIBLIJI**

Dr. Khalil Ahmad Nasir

Title / Naslov

“ČASNI POSLANIK MUHAMMED S.A.V.S. U BIBLIJI”

Bosnian translation

“THE HOLY PROPHET MUHAMMAD S.A.V.S. IN THE BIBLE”

by Dr. Khalil Ahmad Nasir

Translator / Prevod

Fahrija Avdić

Checked with original / Uporedba sa originalom

Wasim Ahmad, Missionary Bosnia

© ISLAM INTERNATIONAL PUBLICATION LIMITED

Published by / Izdavač

Verlag der Islam, Frankfurt am Main

© **Verlag Der Islam**

1st Edition

May 2010

Printed by / Štampa

PIKOK Sarajevo

ISBN: 978-3-932244-68-1

MESDŽID BAITUL-ISLAM

Ahmadija muslimanski centar

Tuzlanska 1b, 71000 Sarajevo, Bosna i Hercegovina

Tel./fax: 00387 (33) 612 612

www.alislam.org - www.ahmadija.ba

e-mail: info@ahmadija.ba

بِسْمِ اللَّهِ الرَّحْمَنِ الرَّحِيمِ ۞

نَحْمَدُهُ وَنُصَلِّي عَلَى رَسُولِهِ الْكَرِيمِ ۞

الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda s.a.v.s., i na cijelo njegovo potomstvo i ashabe.”

ČASNI POSLANIK MUHAMMED S.A.V.S. U BIBLIJI

SADRŽAJ:

- Historijski test
- Poslanik iz tvog bratstva
- Božije svjetlo sa Parana
- Zemlja je bila puna Njegove hvale
- Princ mira
- Zaključak

Svijet danas traži razumnu i historijsku evidenciju da dokaže istinitost osobe koja tvrdi da je od Boga. Ovi kriteriji u potpunosti podupiru istinitost poslanika Muhammeda s.a.v.s.

Razborito razmišljanje

Razborito razmišljanje pokazuje da je svijet bio u strašnoj potrebi za objavom - vodom iz fontane duhovne upute, u vrijeme kad je došao poslanik Muhammed s.a.v.s.

On je vodio uzoran život, savršen primjer da ga slijede u budućnosti. On je započeo svoju misiju uz ogromne teškoće. On i njegovi sljedbenici su se suočili sa snažnim proganjanjem i opozicijom. No, on je na čudnovate načine bio zaštićen i pomognut od Boga. Prije smrti njegova misija je bila čvrsto utemeljena svuda širom Arabije i naglo se širila u druge zemlje.

Stvarao je čuda. On je predskazivao budućnost i njegova predskazanja su se obistinila, ne samo u toku njegovog života, nego također nastavljaju da se ispunjavaju i danas. Donio je učenje koje je privuklo brojne pristalice otkad je on otišao. Ukratko, sva razborita razmišljanja dokazuju da je misija Časnog poslanika Muhammeda s.a.v.s. bila istinski od Boga.

Historijski test

Tu je također još jedan test - historijski test, koji naš današnji svijet traži o Božijem vjesniku. Istaknuti američki biskup Katoličke crkve napisao je u nacionalno popularnom magazinu da ovaj test historije - na raspolaganju svim ljudima, svim civilizacijama i svim dobima - može biti primijenjen samo na Isusa (Isaa a.s.), iz slijedećih razloga:

Nije bilo predskazanja o Budi, Muhammedu s.a.v.s. ili bilo kome drugom – osim o *Isusu (Isa, a.s.)*. Drugi su tek došli i rekli: “*Ja sam ovdje, vjerujte mi.*“ Isus Krist (Isa, a.s.) jedini iskoračuje iz ove linije i odgovara: “*Moj dolazak je bio predskazan, čak do najmanjih detalja.*”

Ovaj iskaz je prilično izazovan i zahtijeva pažnju. Mi muslimani vjerujemo da je Isus (Isa a.s.) bio istinski Božiji poslanik. Mi također prihvatamo da je njegov dolazak bio predskazan u prethodnim skriptama.

A šta je s Muhammedom s.a.v.s.?

Mi nalazimo da je njegov dolazak bio predskazan jasnim i preciznim terminima ne samo od Isusa (Isa a.s.) lično, nego i od Musaa a.s. i drugih biblijskih poslanika također. Zapravo, čini se iz riječi Isusa (Isa a.s.) - koje god su na raspolaganju svijetu, da je donošenje radosnih vijesti o uzvišenom dolasku poslanika bio jedan od glavnih ciljeva njegove misije.

Nekoliko puta Isus (Isa a.s.) je rekao da je bio poslan svijetu samo da dadne toliko upute koliko ljudi njegovog doba mogu podnijeti. Što se tiče potpunog učenja koje će zauvijek ostati s ljudima, on je rekao:

“A Branitelj, Duh Sveti, koga će Otac poslati u moje ime, on će vas poučiti svemu i podsjetiti vas na sve što vam ja rekoh.”
(Ivan 14:26)

Samo je poslanik islama mogao ispuniti ovo predskazanje Isusa (Isa a.s.). Muhammed s.a.v.s. je istinski bio poslan u njegovo ime zato što je svjedočio o njegovoj istinitosti. Časni Kur'an kaže:

“Mesih, sin Merjemin, bio je samo jedan poslanik. Svi poslanici prije njega su prošli.” (Časni Kur'an 5:76)

Časni Kur'an iznosi da su meleki rekli Merjemi:

“O Merjema, Allah ti daje radosne vijesti s jednom Riječju od Sebe; njegovo ime će biti Mesih, Isa, sin Merjemin, ugledan na ovom svijetu i na budućem.” (Časni Kur'an 3:46)

Časni Poslanik je svjedočio o istinitosti Isusa (Isaa a.s.) kao o božanskom i časnom učitelju i poslaniku, i proglasio da su pogriješili i zalutali oni koji misle da je bio proklet.

Časni Kur'an opisuje njegova učenja kao 'uputu i svjetlo'. Objašnjavajući dalje isto predskazanje, Isus (Isa a.s.) je rekao:

“Ali vama ja istinu govorim: bolje je za vas da ja odem, jer ako ne odem, neće doći k vama Branitelj. Ako pak odem, poslat ću ga k vama. A kad on dođe, razotkrit će svijetu o grijehu, o pravednosti i o sudu. O grijehu, jer ne vjeruju u mene; o pravednosti, jer idem k Ocu i više me ne vidite; o sudu, jer je knez ovoga svijeta osuđen.

Još vam mnogo imam kazati, ali sada ne možete nositi. A kad dođe on, Duh istine, upućivat će vas u svu istinu; jer neće zboriti samo od sebe, nego će zboriti o onome što čuje, i navješćivat će vam ono što dolazi. On će me proslaviti, jer će od mojega uzimati i navješćivati vama.” (Ivan 16:7-14)

Ovo predskazanje jasno upućuje na slijedeće:

1. Branitelj će doći nakon odlaska Isusa (Isaa a.s.)
2. Kad Branitelj dođe, on će kazati svijetu zabludu s obzirom na grijeh, istinu i pravdu
3. On će svijet uputiti u svu istinu
4. Knjiga njemu objavljena neće sadržavati nikakve ljudske riječi
5. On će proslaviti Isusa (Isaa a.s.) i očistiti ga od svih optužbi

Kad ovo predskazanje detaljno razmotrimo, nepogrešivo je dokazano da ono ne vrijedi ni za koga drugog nego za Časnog poslanika Muhammeda s.a.v.s. On je došao poslije Isusa (Isaa a.s.). Branitelj je trebao ukoriti sljedbenike Isusa (Isaa a.s.). Očito, on nije mogao biti kršćanin ili Jevrej. Ovo predskazanje mora se odnositi na onoga ko će pripadati drugom narodu, ali će poštovati Isusa (Isaa a.s.) i promovisati poštovanje prema njemu.

Časni Poslanik nije bio ni Jevrej ni kršćanin. On je bio Ismailićanin. Ali on je odbranio čast Isusa (Isaa a.s.). Tako Kur'an kaže:

“... a oni njega sigurno nisu ubili, niti razapeli (ubili), nego je za njih stvar bila sumnjiva; a oni koji se razilaze sigurno su u sumnji o tome; kod njih nema nikakvog znanja o tome, osim što jedino slijede sumnje; a oni njega sigurno nisu ubili; nego ga je Allah uzdigao Sebi.” (Časni Kur'an 4:158-159)

Ovdje Časni Kur'an specifično kaže da je Isus (Isa a.s.) bio spašen od te proklete smrti koju su za njega odredili njegovi neprijatelji. Međutim, oni su samo pretpostavljali da su uspjeli u njegovom raspeću. Ali, Allah ga je ne samo spasio nego ga je uveo u krug Svojih miljenika.

O obećanju, “*On će vam objaviti buduće*”, mi samo trebamo kazati da ni jedan poslanik nije rekao svijetu o stvarima koje će doći u tolikoj mjeri koliko je poslanik islama.

Predskazanje kaže: *“On neće govoriti sam od sebe, već će govoriti što čuje.”* Ovaj se opis može primijeniti samo na poslanika Muhammeda s.a.v.s. Novi i Stari zavjet ne sadrže ni jednu knjigu u kojoj čovjekova riječ nije bila izmiješana sa Božijom. Kur'an nije ništa do Božija riječ od početka do kraja. Ni jedna jedina riječ, čak ni Poslanikova se ne može naći u njemu.

Kad se Petar pojavio narodu Jerusalema, njegove riječi su bile: *“Ljudi i braćo, dopustite mi da vam slobodno govorim.”* Ivan počinje jednu od svojih konverzacija sa: *“Ja, Ivan, koji sam vaš brat.”* U istim redovima čitamo govor Filipa, Džemsa i drugih u Bibliji.

O Časnom Poslaniku Kur'an kaže:

“Niti govori po svojoj želji. To je samo objava koja (mu) se objavljuje.” (Časni Kur'an 53:4-5)

Predskazanje je reklo: *“On će vas uputiti u svu istinu”*. Opet, Muhammed s.a.v.s. je bio jedini poslanik koji je tvrdio da je donio univerzalni i savršeni zakon. Časni Kur'an kaže:

“Danas sam Ja za vas usavršio vašu vjeru i upotpunio Svoju blagodat prema vama.” (Časni Kur'an 5:4)

Kako se jasno ovo predskazanje ispunilo u osobi poslanika Muhammeda s.a.v.s. u svim svojim detaljima. Ponekad se nastojala pomutiti slava ovog čudesnog predskazanja da je ovaj Branitelj bio Sveti Duh koji je došao poslije Isusa (Isaa a.s.) njegovim učenicima.

Pitamo se kako ova tvrdnja može biti usklađena s činjenicom da je osoba predskazana u stihovima opisana zamjenicom **'on'**, za koju je nemoguće da se odnosi na duha. Nije li, onda, za Sveti Duh smatrano da treba doći samo poslije odlaska Isusa (Isa a.s.)? Treba li onda pretpostaviti da Sveti Duh nije bio sa Isusom (Isa a.s.)? Očito ni jedan predani kršćanin neće prihvatiti ovu pretpostavku.

Neko, također, može pitati gdje je ta istina koja se ne nalazi u Novom zavjetu, a kasnije je donesena od Svetog Duha.

Poslanik tvoga bratstva

Činjenica je da je prije Isusa (Isaa a.s.) Musa a.s. također predskazao dolazak velikog poslanika jasnim i preciznim riječima. Kad je Musa a.s. otišao planini Horeb po Božijoj naredbi, on se obratio Israilćanima govoreći:

“Proroka, kao što sam ja, iz tvoje sredine, od tvoje braće, podignut će ti Gospodar, Bog tvoj: njega slušajte.”

(5. Mojsijeva 18:15)

I ponovo Božije riječi Musau a.s.:

“Proroka ću im podignuti između braće njihove, kao što si ti, i metnut ću riječi svoje u usta njegovu, i kazivat će im sve što mu zapovijedim. A ko god ne bi poslušao riječi moje, koje će govoriti u moje ime, od toga ću ja tražiti.”

(5. Mojsijeva 18:18-19)

Očito je iz ovih stihova da je Musa a.s. predskazao poslanika donosioca Zakona koji se trebao pojaviti poslije njega, i koji je trebao biti od braće Israila. Da je on trebao biti davalac Zakona a ne običan poslanik, očito je iz riječi *'nalik Musau'*, pošto je Musa a.s. također bio davalac Zakona. Proglašavanje *'novog Zakona'* znači započinjanje novog poretka, nove nacije. Poslanik sa novim Zakonom očito nije običan učitelj ili reformator. On je morao predstaviti opsežno učenje, koje uključuje temeljne principe, kao i detaljna pravila.

Je li Isus (Isa a.s.) bio takav poslanik? Je li on bio davalac Zakona? Je li on donio novi Zakon na svijet da nadomjesti stari? Odgovor je u njegovim vlastitim riječima:

“Ne mislite da sam došao dokinuti Zakon ili Proroke. Nisam došao dokinuti, nego ispuniti. Jer kažem vam, zaista, dok nebo i zemlja ne prođu, ne, ni jedno slovice, niti jedna crtica iz Zakona neće proći dok se sve ne ostvari.” (Matej 5:17-18)

A sljedbenici Isusa (Isaa a.s.) su otišli tako daleko da proglase:

“Zakon pak nije od vjere, već: ‘Ko ga vrši, živjet će po njemu”.

“Krist nas otkupi od prokletstva Zakona.”

(Poslanica Galaćanima 3:12-13)

Isus (Isa a.s.) nije donio novi Zakon; njegovi učenici su Zakon smatrali prokletstvom.

Časni Kur'an je bio taj koji je najavljivao od samog početka:

“Ovo je (potpuna i savršena) Knjiga u koju nema sumnje; upućuje bogobojazne.” (Časni Kur'an 2:3)

Ovo predskazanje, također govori da je taj Obećani trebao biti uzdignut ne između Israilćana nego iz njihovog bratstva. Muhammed s.a.v.s. je bio rođen u bratstvu Israilćana - Ismailićana.

Također, kazalo je da će Bog staviti Svoje riječi u njegova usta. Novi zavjet ne sadržava riječi koje je Bog stavio u usta Isusa (Isaa a.s.). Oni nam samo govore njegovu priču i ono što su on i njegovi učenici rekli i uradili.

Časni Kur'an u drugu ruku kaže:

“Reci (Muhammede): ‘Ja sam samo čovjek kao i vi; (samo je) meni objavljeno (Božija riječ).” (Časni Kur'an 18:111)

Ovo predskazanje govorilo je o 'riječima koje će on govoriti u moje ime'. Čudno je, tamo nema ni jednog primjera riječi za koje je Isus (Isa a.s.) možda rekao da je primio od Boga s naredbom da ih dalje prenese. Časni Kur'an, s druge strane, specifično tvrdi da je riječ od Boga.

Riječi Gospodara su nagovijestile da će taj Obećani biti poslanik. Isus (Isa a.s.), prema kršćanskim evanđelistima, nije tvrdio da je poslanik. Matej izvještava da je on pitao svoje učenike:

“Za koga drže ljudi Sina Čovječijega?” Petar mu je odgovorio da je on bio Krist, Sin Boga živoga.” (Matej 16:13-16)

Prema tome, Isus (Isa a.s.) je negirao da je bio ili Ivan Krstitelj ili Ilija ili jedan od poslanika.

Muhammed s.a.v.s. je bio proglašen ne samo poslanikom, nego također 'nalik Musau a.s.', kad je Kur'an rekao:

“Mi smo vama, zaista, poslali Poslanika, koji je svjedok vama, kao što smo i faraonu poslanika poslali.” (Časni Kur’an 73:16)

Ukratko, hiljadu devet stotina godina prije dolaska poslanika islama, Musa a.s. je proglasio da njegov vlastiti Zakon, u Božijem planu, nije bio zadnji Zakon; da je svijet kasnije trebao imati potpuniji Zakon; i da će, za ovo, Bog poslati Svog drugog vjerovjesnika u kasnijem dobu. Ovaj vjerovjesnik je trebao učiti svu istinu; on je bio taj koji je trebao obilježiti zadnji stupanj u duhovnom napretku čovjeka. Svijet je morao čekati na drugu knjigu i drugog poslanika.

Ako su, zato, Kur’an i Časni Poslanik s.a.v.s. došli poslije Biblije i poslije poslanika Musaa a.s. i Isusa, i ako oni tvrde da su došli od Boga kao uputa ljudima, njihova tvrdnja se treba tretirati kao pravedna i istinita. Ona se mora uzeti kao ispunjenje prastarih predskazanja. Objava Kur’ana nije bila bezrazložna objava, suvišnost u prisustvu drugih objava. Zaista, da Kur’an nije bio objavljen, obećanja od Boga data Njegovim vjerovjesnicima otišla bi neispunjena, i svijet bi postao napadnut sumnjom i nevjerovanjem.

Božansko svjetlo sa Parana

Predskazanja Biblije su svoje sljedbenike odvela čak i do takvog dijela svijeta gdje se trebao pojaviti takav veliki poslanik. Tako je ona rekla:

“On reče: ‘Dođe Gospodar sa Sinaja, sa Seira im se pokaza i s gore Parana zasja i dođe sa deset hiljada svetih, a u desnici mu zakon ognjen za njih.” (5. Mojsijeva 33:2)

U ovim stihovima Musau a.s. su obećane tri manifestacije Božije slave. Prva od ovih se pojavila na planini Sinaj u vrijeme Musaa a.s.. Vrijeme je prošlo. Druga manifestacija obećana u ovom predskazanju trebala se dogoditi na Seiru, blizu mjesta gdje su se dogodila čuda Isusa (Isa a.s.). ‘Pokazivanje od Seira’ zato je značilo dolazak Isusa (Isa a.s.).

Treća manifestacija Božije slave je trebala proizići iz Parana, a Paran (arapski *Faran*) je ime brda koje leži između Mekke, rodno mjesto Muhammeda s.a.v.s., i Medine, grada gdje je umro. Prema Starom zavjetu, Ismail, predak Muhammeda s.a.v.s., živio je u ovom dijelu.

Tako u Bibliji imamo:

“Bog je bio s dječakom te je rastao i odrastao. živio je u pustinji te postao vješt u strijeljanju iz luka. Dom mu bijaše u pustinji Parana.” (1. Mojsijeva 21:20-21)

Historijska i geografska evidencija pokazuje da su potomci Ibrahima živjeli u Arabiji. Svi od njih su Meku i Kabu smatrali, kućom obožavanja koju je izgradio Ibrahim, s velikim poštovanjem. Njegov sin Ismail a.s. se prvo smjestio u Meki. 1. Mojsijeva (*dio Biblije op. prev.*) daje imena dvanaest sinova Ismaila a.s. uključujući dvojicu po imenu Tema i Kedar (1. Mojsijeva 25:13-16). Ovo je dalje poduprto svjedočenjem Izaije, gdje čitamo:

“Teret Arabije. U pustinjama ćete boraviti, o vi putujuće družine Dedanima. Vodu su iznosili pred žedne stanovnike zemlje Tema, opskrbljivali hljebom onog ko je bježao. Jer su od mačeva oni pobjegli, od luka zapetog, od boja žestokog. Jer ovako mi Gospodar reče: 'Još jedna godina, prema godinama najamnika, i nestat će sve slave Kedrove. A od mnogobrojnih strijelaca među hrabrim sinovima Kedrovim malo će ih ostati. Jer tako je rekao Gospodar Bog Israelov.”
(Izaija 21:13-17)

Ovaj predskazivački odlomak je slika *Bitke na Bedru*, koja se dogodila oko jedne godine poslije preseljenja Časnog Poslanika s.a.v.s. iz Meke u Medinu. U ovoj bici sinovi Kedara, narod Meke i okolnih teritorija, pošto nisu bili u stanju da odole vatrenosti muslimanskih mačevalaca i strijelaca, pretrpjeli su strašan poraz. Bog je učinio da šaka ljudi, slabo naoružanih i bez opreme, budu akteri nanošenja poniženja armiji koju su predvodiliiskusni generali.

Bitke sa Mekanlijama su se nastavile, bitke protiv ogromne nadmoći sve do vremena kad je poslanik Muhammed s.a.v.s. ušao u Meku, poslije sedam godina duge borbe.

Ovo je bilo vrijeme kad je deset hiljada svetih bilo u društvu s njim. Časni Poslanik s.a.v.s. je proglasio da je Božija poruka bila upotpunjena u formi Časnog Kur'ana.

Tako je predskazanje Musaa a.s. bilo ispunjeno - da će Gospodar zasijati sa Parana sa deset hiljada svetih, sa živim Zakonom u svojoj desnoj ruci. Također je bilo ispunjeno predskazanje Isusa (Isaa a.s.) da će duh Istine 'uputiti vas u svu istinu'. Njegov živi Zakon, Časni Kur'an, razorio je sve nečistoće grijeshnog čovjeka i najtvrđa srca pretočio u čisto zlato.

Je li Isus (Isa a.s.) mogao ispuniti ovo predivno predskazanje? On nije zasjao sa Parana. On je imao samo dvanaest učenika, a ne deset hiljada svetih. Izaija je govorio o tome da je pobjegao; putovanje Muhammeda s.a.v.s. je tako važan dio muslimanske historije da islamski kalendar počinje upravo od ove godine preseljenja.

Zemlja je bila puna Njegove hvale

Ovaj dolazak je također bio predskazan od Habakkuka nekoliko stoljeća prije Isusa (Isa a.s.).

Tako imamo:

“Bog stiže iz Temana, a Svetac s planine Parana! Veličanstvo njegovo zastire nebesa, zemlja mu je puna slave. Sjaj mu je k'o svjetlost, zrake sijevaju iz njegovih ruku, ondje mu se krije sila. Kuga pred njim ide, groznica ga sustopice prati. On stane, i odmjeri zemlju, on gleda, i vodi narode, tad se raspadoše vječne planine, brda beskonačna popadoše, njegove su staze od vječnosti. Prestrašene vidjeh šatore Kušana; i zastore zemlje Midian da drhte.” (Habakkuk 3:3-7)

Ovo ponovo pokazuje da je treću manifestaciju spomenutu ranije trebao ispuniti onaj koji će se pojaviti iz zemlje Teman i planine Faran. Zemlja će biti puna njegove hvale. Nije tek slučaj,

onda, da je Časni Poslanik islama bio nazvan Muhammed s.a.v.s., što doslovno znači *Hvaljeni*. Samo čovjek sa imenom tako krasnim kao što su njegova ličnost i karakter mogu odgovarati opisu *Habakkuka*. Neprijatelji Muhammeda s.a.v.s. su podnijeli uništenje, epidemiju i poniženje 'ražarene groznice' u suprotstavljanju njemu, uprkos mnogo jačim i većim silama.

Musa a.s. je umro dok se još uvijek borio sa svojim neprijateljima. Isus (Isa a.s.) je bio stavljen na križ. Poslanik koji je gledao i vodio narode, kako je spomenuo *Habakkuk*, zato nije mogao biti niko drugi nego Muhammed s.a.v.s. Njegovi neprijatelji koji su izgledali kao 'vječne planine i beskonačna brda' i 'zastori zemlje Midiana', to jest zemlje Kanana, tada pod rimskim Cezarom, također su našle svoj spas u tome da se stave na raspolaganje slugama Časnog Poslanika s.a.v.s. u vrijeme tih Cezarovih nasljednika.

Princ mira

Pogledajmo, najzad, Isakha. Ovdje nalazimo mnoge odlomke o dolasku poslanika koji mogu biti istiniti samo za Muhammeda s.a.v.s. Rečeno nam je o vremenu kad će čovjek zvati narode svijeta koji će hitno odgovoriti njegovom pozivu i okupiti se oko njega (*Izaija 5:26-30*). Rečeno nam je da će sljedbenici tog Obećanog biti obavezni da učestvuju u ratovima. Rečeno nam je da će dolazak ovog poslanika biti u vrijeme kad će čak i svjetlo biti potamnjeno grijehom i iskvarenošću Zemlje i mora. *Izaije* nam također govori da će u to vrijeme Bog okrenuti svoje lice od kuće Jakubove. (*Izaija 9:13-17*)

"Jer, dijete nam se rodilo, sina dobismo; na plećima mu je vlast, ime mu je: Savjetnik divni, Bog silni, Otac vječni, Knez mironosni (princ mira). Nadaleko vlast će mu se sterati, i miru neće biti kraja nad prijestoljem Davidovim, nad kraljevstvom njegovim. Učvrstit će ga i utvrditi u pravu i pravednosti od sada i do vijeka učinit će to privržena ljubav Gospodara vojski (mnoštva)." (*Izaija 9:6-7*)

Ovo predskazanje daje obećanje o kralju koji će imati pet titula:

1. Divan
2. Savjetnik
3. Silni Bog
4. Otac vječni
5. Princ mira

Je li Isus (Isa a.s.) ikada bio kralj? Jesu li imena nabrojana u ovom predskazanju ikada vrijedila za njega? Njega su možda zvali Divnim, zbog svojstvenog rođenja, ali dok su oni koji su ga poricali rođenje smatrali nezakonitim, njegovi branitelji su sumnjali u njegovu lozu. On nije pokazao moć koja je spomenuta u gornjem stihu. Niti je mogao biti nazvan Ocem vječnim, zato što je on lično spomenuo drugog koji će doći poslije njega. On niti je postao kralj, niti je ikada mogao biti princ mira u svijetu.

On je bio ugnjetavan od svojih protivnika sve dok nije bio stavljen na križ. Zato, s pravom nije mogao biti nazvan Princom mira. On nikad nije postigao bilo kakvu vlast i, zbog toga, riječi 'njegovoj vladavini neće biti kraja' nemaju značenja u terminima njegovog života. Ovi znakovi spomenuti u Izaiji vrijede samo za Poslanika islama.

On je bio taj koji je morao preuzeti odgovornosti države, i tako, posve protiv svoje volje, mora biti nazvan kraljem.

Muhammed s.a.v.s. je bio divan i u svom imenu i dostignućima. Isus (Isa a.s.), u svojoj paraboli o vinogradu, govori o starješini kućanstva koji je svoj vinograd dao rataru. Ovi grijешni ljudi ne samo da su tukli, ubili i kamenovali svoje druge sluge nego također i njegovog sina. Gospodar, kaže Isus (Isa a.s.), doći će lično, uništiti ove grijешne ratare i izručiti vinograd onima koji 'će dati plodove u njihovu sezonu'. Prema tome:

“Kamen koji odbaciše graditelji (isti) postade glava došljaka; to je djelo Gospodara, ono je divno u našim očima.”

(Matej 21: 33-44)

To je način na koji se taj 'Divni' trebao pojaviti. Kad sin bude ubijen, onda će drugi biti poslan, koji će dokazati da je glava došljaka. I on će izgledati 'divan' u očima Isusa (Isa a.s.) i cijelog svijeta.

A o njegovim prekrasnim dostignućima možemo navesti Tomasa Carlyle. On piše:

“Arapskom narodu je to bilo rođenje iz mraka u svjetlo; Arabija je prvo postala živa posredstvom toga. Siromašnom pastirskom narodu koji je od stvaranja svijeta ’lutao’ u njenim pustinjama bio je poslan heroj - poslanik sa riječju kojoj su mogli vjerovati: Gle, neprimijećeni postaju svjetski ugledni, mali je porastao svjetski važnim, u toku jednog stoljeća poslije toga, Arabija je u Granadi s ove strane, Deliju s druge strane, bacajući pogled u srčanost, i sjaj, i svjetlo genija, Arabija sija dugim godinama nad dijelom svijeta. Vjerovanje je uzvišeno, dugotrajno. Ova historija naroda postaje plodonosna, koja uzdiže dušu, uzvišeno, čim povjeruje. Ovi Arapi, čovjek Muhammed i to jedno stoljeće-zar nije kao da je iskra pala, jedna iskra, na svijet onoga što je izgledalo kao crni, nezamjetivi pijesak, ali gle, ovaj pijesak se dokazuje eksplozivnim prahom, koji plamti nebu - visoko od Delija do Granade. Ja sam rekao: “Veliki čovjek je uvijek bio munja iz neba; ostali ljudi su čekali na njega kao gorivo i onda bi oni također plamsali.”

(Thomas Carlyle u *“Heroji i obožavaoci heroja”*)

Drugo ime za ovog Obećanog je Savjetnik. To ponovo vrijedi za Časnog Poslanika s.a.v.s.

Narod se njemu obraćao za savjet. On je, zauzvrat, održavao redovna savjetovanja sa svojim narodom, i obavezao državu da konsultuje narod u svim važnim stvarima. Časni Kur’an nam govori da su njegovi drugovi redovno tražili od njega savjet.

Ovo predskazanje ga je također opisalo kao moćnog Boga. Biblija često spominje poslanike kao Boga lično. (*Izlazak 7:1 i 4:16*)

Kad god se o ljudskom biću govori kao o ’nalik Bogu’, to jedino može značiti da je on manifestacija Svemogućeg. Časni Poslanik s.a.v.s., ponovo, odgovara opisu ovog predskazanja. Postoji nekoliko uputa u Časnom Kur’anu koje se tiču ovoga. U Bici na Bedru Poslanik s.a.v.s. je uzeo šaku pijeska i bacio ga na

neprijatelja. To se dokazalo kao znak za pješčanu oluju koja je razbila neprijatelja i doprinijela njihovom porazu.

O ovome Bog kaže Časnom Poslaniku s.a.v.s.:

“Nisi ti bacio (šakom kamenje prema njima), kad si bacio, nego je Allah bacio.” (Časni Kur’an 8:18)

On ponovo kaže:

“Uistinu, oni koji tebi daju zavjet (Bai’at), dali su zavjet Allahu.” (Časni Kur’an 48:11)

Tako je došla manifestacija moćnog Boga - Časni Poslanik s.a.v.s., koji je bio u stanju savladati sve svoje neprijatelje u toku svog života i razbiti svu opoziciju.

Četvrto ime u ovom predskazanju je Vječni otac. Isus (Isa a.s.) je bio poslan samo izgubljenim ovcama Kuće Israila. Zbog toga nije bilo moguće da ima trajnu ulogu. U drugu ruku, na Časnog Poslanika s.a.v.s. se u Kur’anu poziva kao na

“...onog koji upozorava, za sve ljude,” (Časni Kur’an 34:29).

Njemu je bilo obećano da će njegovo učenje ostati zauvijek sa narodom zato što će se na kraju vremena pojaviti Obećani Mesija između njegovih sljedbenika i oživjeti učenja islama i uvjerljivo dokazati da je duhovna vlast Poslanika islama bila trajna, te da onda neće biti nikakvih učitelja od Boga osim od njegovih sljedbenika.

Peto ime u ovom predskazanju je Princ mira. Može li Isus (Isa a.s.) istinski biti tako nazvan? On nije postao vladar u svom životu. On nikada nije postigao moć da dadne oprost svojim neprijateljima, i zbog toga, za njega nije bilo mnogo prilika da prikaže ono što je propovijedao. S druge strane, sama religija Muhammeda s.a.v.s. je nazvana *islam*, što znači mir. Što se tiče provođenja mira i oprosta u Muhammedovom s.a.v.s. životu, imamo obilnu evidenciju.

U toku trinaest dugih i tegobnih godina poslanik islama i njegova mala grupa predanih sljedbenika sa tihim dostojanstvom

i strpljenjem podnijeli su najgorče proganjanje od strane Mekanlija. Gladovanje, batinanje, ruganja, ponižavanja, degradacije i nasilja svih vrsta bili su dnevni red. Kad je Časni Poslanik s.a.v.s. našao sklonište u Medini, čak ni tamo nije bio ostavljen na miru. Više od sedam godina neprekidnog i brutalnog proganjanja Poslanik islama se odjednom pojavio na visinama Parana, na čelu deset hiljada svetih, bez bilo kako vođene bitke i bez kapi prolivene krvi. Kad bi svaka kazna zadana ovim Mekanlijama bila lahka u poređenju njihove duge liste nedjela, Poslanik je proglasio, nježno i milostivo:

“Danas nema krivnje (ni osvete) na vama, Allah će vam oprostiti (svi ste slobodni)!” (Časni Kur’an 12:93)

Je li to isti način na koji su kršćani tretirali svoje neprijatelje kad su došli na vlast? Ko onda treba da bude nazvan Princom mira, Isus (Isa a.s.) ili Muhammed s.a.v.s.? Isus (Isa a.s.) nije mogao pružiti mir drugima. Njegovi sljedbenici su bili u stanju da ga daju, ali ga nisu dali. Poslanik islama s.a.v.s. je imao moć da kazni svoje neprijatelje, ali je on izabrao da oprost.

Muhammed s.a.v.s. je, zato, bio Princ mira u predskazanju Izaije. On je, ponovo, bio taj koji je postigao vlast i tako je mogao ispuniti zadnji dio ovog predskazanja, koje kaže: *’O povećanju njegove vladavine i mira neće biti kraja’.*

Zaključak

Ovo je samo nekoliko od mnogih predskazanja u Bibliji o dolasku velikog poslanika koji je trebao voditi svijet u cijelu istinu.

Muhammed s.a.v.s. je trebao biti, po riječima Sulejmana, *’u cjelosti divan’*, što je na hibru izraženo kao *Mahmaddim* (Pjesma nad pjesmama 5:10-16). On je bio ispunjenje *’kamena’* Danijelovog sna (Daniel 2:34-35). On je bio dolazak gospodara vinograda Lično, kao što je predskazano od Isusa (Isaa a.s.).

Istina, u Starom zavjetu također ima nekih predskazanja o Isusu (Isa a.s.), ali je također činjenica da ima mnogih koje ne mogu s pravom biti primijenjene na njega. Ove su mogle biti

ispunjene u osobi onoga ko je dolazio sa Zakonom i čija je misija trebala biti ne samo *'izgubljenim ovcama kuće Israela'* nego cijelom svijetu, onoga o kome je Isus govorio, kao Branitelju i Duhu Istine. Predskazanja o Muhammedu s.a.v.s. u Bibliji su jasna i precizna.

Vrata Kraljevstva nebesa bila su otvorena ispunjenjem ovih predskazanja.

Blagoslovljeni su oni koji prihvate poziv Gospodara nebesa i Zemlje da uđu u Njegovo kraljevstvo i prime Njegovo zajedništvo.

I naše zadnje opažanje je da sva hvala pripada Bogu, Održavaocu svemira.

ČASNI POSLANIK MUHAMMED S.A.V.S. U BIBLIJI

THE HOLY PROPHET MUHAMMAD S.A.W.S. IN THE BIBLE

(BOSNIAN)



Ljubav svakome, mržnja nikome!